

ایکھجی سنہ

نومرو : ۱۲

خزینہ اوراق

تاریخ تاسیسی

۱ مایس سنہ ۱۲۹۷



موسی

محمود جلال الدین



تاریخ طبع
و نشر } ۸
شماران
۱۲۹۹

بو رسالہ ادبیہ جمعہ ایرتسی کونلری چیقار

اولونیه خاندان زاده لرندن عزتلو ثربا بك افنديك
 لطفاً كوندرديكی آثار دندر كه تیمورلنك كبی بر شهیرك شمیدی به
 قدر یازلیان ترجمه حالی متضمندر. قدرت قلمیه اصحابندن
 اولان نورسیده مشارالیه دهها بعض مشاهیرك حاللرینی
 ترجمه و تحریر ایتمكله بقنده نشری مقرر در

﴿ تیمورلنك - مابعد وصول ﴾

—

کندوسنك بعض حرکاته باقلجه اچیقندن نقض
 عهد ایتك ایستدیکي کوریلورسده بر قومه تسلط ایده
 بیله جك وسائلی اختراعندن کورو طور مزیدی. هله نیات
 و فعلیاتنه حائل کوردیکي بر هیئتك کلیاً اضمحالی و یابر
 ذاتك زوالنی تسریع ایچون اختیار ایتدیکي وسائلط مهلکه
 برافزدی. حاصلی كرك حکمداران زمان و كرك اقوام
 جهان کندی مشیت مطلقه سی التسه زبون قالمش
 و اوتوز الی سنه لك مدت حکومتی ایکی اوچ عصرده
 انجق وقوعبوله بیله جك بر انقلاب عظیمی اولمشدر.
 بو احوال خارقه نك مبادی طبعیه سی ایسه اسیا
 امراسی اراسنده کی اختلافات دائمه و خلقك غضب و غارته

اولان تمایل مخصوصه سی اولدیغنده شبهه یوقسه ده مع مافیه
تیمورک حرکات عمومیه سی ظلم وشدندن تجرید اولنورده
باقیلورسه کندوسسنگ ده بر اقتدار فوق العاده بی حاز
اولدیغی اکلاشیلور .

زماننده جریان ایدن فترتلردن استفاده یه قالقشمسی
واختلاسات سارهی ادا مه ایله نفوذ حکمرانه سنه رقابت
ایده بیله جک بر قوه بر اقامسی ذکوت فطریه سنک دلائل
باهر هسندندر .

زیر ضبطنه السدیغی طوائف مختلفه نك استقلال
مخصوصه سنی ابقا ایتمکله برابر تاتارلک عادات مألوفه لینه
الشدیرمغه و بنا برین عناصر واحد کی اداره منفرده
الته المغه مساعی اولمسی سلطنتک استقبالی تأمین ایتمک
ایستمسندندر .

حتی بر از توجه کوسترمک ایچونده بعضاً هر قومه
نسبتله تلبس ایدر و عرض انقیاد ابتدکلی حالده امرای
قومه پک زیاده حرمت کوستر یردی . اوته بروده درویش
قیافلی جاسوسلر سوقیله خلقک افکارینی و بیلدیکی یرلک
احوالی تفتیش ایلردی . عسکرینی برر برر کندی یوقلار
وهر حالی صوراردی .

غنیمت ویا غارتدن السدیغی مقداری شجاعت ابراز

ایدنلره ویریر و دائماً اثار سماحت کوستریرردی . فطره
کندی پک جسور و هر عزمه قارشو ثباتله مشهور ایدی .
مقصندن هیچ بر وقت روگردان اولماش واستیلای
عالی بيله قوه قریبه کتورمشیدی .

هله تاریمخده دیورکه دنیاده اک اول پلان یامغی
و حرکات عسکریه سنی اکا کوره ترتیب ایتکی او ایجاد
ایتمشدر . هراتی ضبط ایتدیکی صرده « هرات اسپانک
کلید قمع ونصرتی اولدیغنی سویلش و کندی حرکاتی
ونیمه عصرلردن صکره کلان ارباب معلوماتک افاداتی
بوسوزک حقیقتی میدانه قویتمشدر .

حاصلی تیمور شجاعت وزکاوت ثبات نیت کبی محاسنی
جامع دنیابه برافت وعین بلا ومصیبت ایدی .

کندوسنک تنی بیاض بو بی اوزون جربه سی واسع
وباشی بیوک ایدی . هیئت مجموعه سی تاتار اولدیغنی
واوضاع مخصوصه سی اغتراردن ازاده لکنی کوستریردی .
پارلاق کوزلری شدتی و اچیق النی زکاسنی بیلدیردیری .
ترکجه وفارسی ومغولجه تکلم ایدر . وعلوم وفنوندن
بی خبردی .

قوه حافظه سی زیاده اولوب کوردیکی وایشدیکنی
اونوتمز ویلان سومز سویلانه ده یوز ویرمزدی هیچ

برشيئه متأثر اولديغی کبی هیچ برشیدن ده زیاده سیله
سوئتمزدی .

باشنه سیاه عومه صارار وقولاغنه ایکی درر یکتا
طاقاردی . هر حالی جدی ومزاح واستهزادن بری ایدی
کندوسنك دیانتی تسلیم اولنورسه محب علی (رضی الله عنه)
وحنفی المذهب اولق لازم کلور . چونکه تکلیفات
شرعیه بی ادا ایتك ایستدیکی زمان اومذهبه تبعیت
وجناب مرتضاتك نامنه پك زیاده حرمت ایدردی .

الك اول امیر حسینك قیز قرنداشینی تزوج ایتش
وانك وفات وامیر حسینك اعدامی اوزرینه قاریلرندن
ایکینسی استفراش ایلشدر . حباله نکاهنده الی قاری
الهرق انلردن الك سودیکی ترجان خاتون ایدی . او وفات
ایتمکله امیر موسی نك قیزینی تزویج وانك نامنه منسوب
اولق اوزره بر یولك بغچه تأسیس وتنظیم ایتدی .

هر طرفدن سمرقنده کتوردیکی ارباب معلوماتله
اوراسنی اسسیاتك بر مکتب علم ومعرفتی ایتش وزماننده
سمرقند دنیاتك الك معمور بر شهری اولمش ایسه ده ظمیلله
وطنلرندن جدا ایتدیکی علما وفاتسندن صکره طاغله رق
سمرقندینه اسکی حالنی بولدی . ودنیاده نامنی یاد ایده جك

ظلمندن وایتدیکی بونجه فضایلجه کلانلره برنونه عبرت
کوسترمش اولمندن بشقه برنیشانی قالماشدر .
ثریابک



قریم تاریخنندن مابعد



درسعامدن بریسی خواجه نصوح اوله رق مائل فعل مقدوح
ایلیوب یعنی اراجیف ایراد وکلا حقنده بعض استناد
بریسی جدی طاغستانی اوده غزالق ایدوب پنهانی
بونلری جلب ایله بالا استنطاق بری فصال بری اهل نفاق
نفی وتادیملری بالکنسیب
اولدی امثالی اوپوزدن ترهیب

رازی صاقلیه من دلد قلم	کشف ایدر اولسه ده سرمهیم
صلحه تعریض اوله رق بیعتا	بریسی بعض شی ایش امل
چونکه شهزاده باشی بر معبر	کیجه دیواره یاپشدر مشلر
انی فرداسی کوروب بعض کسان	قوپارلمشدی ورقپاره همان
سبک الفاظ و معانیسی عجیب	خط وانشا و مزایاسی غریب
عزت نفسنه دو شمش کوپا	صلحی استرمش انکچون وکلا
حرب دن فارغ اولورسه دولت	فته احداث ایده جگمش ملت
بوکا دائر ده سائر تعیر	خلق تشجیع لزو منر تدبیر
عزو اولندی برایکی ذانه بواش	صلحی منع ایچون یاپدرمش
انی تجویز ایدرمی عاقل	اوله افساد و نفاقه مائل
صلحه رغبت اراقده عادت	حرب اولور بولسه حسن صورت
چونکه انجامی خصوصک ظاهر	جنسی منج اوله جقدر آخر